



## **'Ouderondersteuningstraining' di Fundacion Autismo Aruba: un exito total!**

Diahuebs 21 di april 2011, un grupo di mayornan a ricibi nan certificado pa commemora nan participacion na e prome 'Ouderondersteuningstraining' di Fundacion Autismo Aruba. Durante 6 siman largo participantenan a ricibi informashon valioso cu tips practico con pa anda cu educacion di nan yiu cu Autismo (of indicacion di esaki). A trata tres tema principal, cu ta teoria, observacion di mayor y practica na cas; *Reconoce & Conoce Emocionan, Comunica Prikkels y Anda cu Agresividad.*

A tene un evaluacion sumamente positivo riba e parti practico, caminda cu algun mayor a nota masha lihe un diferencia na cas, sea den nan yiu(nan) of nan mes como mayor. A logra exitosamente e meta principal cual tabata pa podera mayornan cu yiu cu Autismo y sostene nan den tuma accion den nan propio situacion.

Fundacion Autismo Aruba por a realisa e training aki danki na un grupo di professionalnan voluntario cu ya tabata envolvi pa mas di un aña caba den reunion di contacto pa mayornan na e fundacion. For di e reunionan cu ta tuma lugar 1 bez pa luna durante 2009 y 2010, a logra saca afo na un manera mas specifico loke ta e necesidadnan di mayornan cu yiu (nan) cu Autismo na Aruba. Asina a traha un werkgroep pa organisa, ehecuta y evalua e training cu a start na maart 2011.

E grupo aki ta consisti di Marian Krozendijk, Cirene Scholten, Debbie van der Kubbe y Irielle Cabral kendenan a haya sosten den planificacion di parti di Yosmar Heide y Mirella Fingal. Ambos a structura y duna forma na reunionan pa mayornan na Fundacion Autismo Aruba den anja 2009. Bao coordinacion di Natasha Richardson di Fundacion Autismo Aruba y conhuntamente cu Valerie Paradiz di Integrated Self Advocacy na Merca, a logra cu mayornan a haya no solamente un training, pero tambe un oferta pa ta e prome nan na Aruba cu tin e posibilidad di haya ayudo for di Merca pa e integracion seniorico den nan yiunan cu Autismo.

Fundacion Autismo Aruba ta felicita mayornan cu a participa na e 'Ouderondersteuningstraining' y ta gradici tur voluntario profesional cu a hasi e training aki posibel.